

摘藻堂四庫全書薈要

集部

欽定四庫全書叢要

集部

御定全唐詩卷三百七十七

五至

欽定四庫全書薈要卷一萬七千七百八十

集部

御定全唐詩卷三百七十五

孟郊

秋懷

孤骨夜難臥吟蟲相唧唧老泣無涕洟秋露為滴漉去

壯暫如翦來衰紛似織觸緒無新心叢悲有餘憶詎忍
逐南帆江山踐往昔

秋月顏色水去聲老客志氣單冷露滴夢破峭風梳骨寒

席上印病文腸中轉愁盤疑懷無所憑虛聽多無端悟
桐枯崢嶸聲響如哀彈

一尺月透戶乞粟如劔飛老骨坐亦驚病力所尚微蟲

苦貪

一作含

剪色烏危巢焚輝孀娥理故絲

一作煩緒

孤哭

一作

坐

抽餘思

一作憶

浮年不可追衰步多夕歸

秋至老更貧破屋無門扉一片月落床四僻風入衣踈

夢不復遠弱心良易歸商葩將去

一作老

綠繚繞爭餘輝

野步踏

一作賤

事少病謀向物違幽幽草根蟲生意與我

微

竹風相戛語幽閨暗中聞鬼神滿衰聽恍惚難自分商
葉墮乾雨秋衣臥單雲病骨可剗物酸呻亦成文瘦攢
如此枯壯落隨西曛裊裊一線命徒言繫網緼

老骨懼秋月秋月刀劒稜纖輝不可干冷魂坐自凝羈
雌巢空鏡仙颺蕩浮永驚步恐自翻病大不敢凌單床
寤皎皎瘦臥心兢兢洗河不見水透濁為清澄詩壯昔
空說詩衰今何憑

老病多異慮朝夕非一心商蟲哭衰運繁響不可尋秋
草瘦如髮貞芳綴踈金晚鮮詎幾時馳景還易陰弱習
徒自恥莫知欲何任露才一見讒潛智早已深防深不
防露此意古所箴

歲莫景氣乾秋風兵甲聲織織勞無衣嚶嚶徒自鳴商
聲聳中夜蹇支廢前行青髮如秋園一翦不復生少年
如餓花瞥見不復明君子山嶽定小人絲毫爭多爭多
無壽天道戒其盈

冷露多瘁索枯風曉

一作饒

吹噓秋深月清苦蟲老聲麤

疎蘋珠枝纍纍芳金蔓舒舒草木亦趣時寒榮似春餘

悲彼

一作自悲

零落生與我心何如

老人朝夕異生死每日中坐隨一啜安臥與萬景空視

短不到門聽澀詎逐風還如刻削形免有纖悉聰浪浪

謝初始皎皎幸歸終孤隔文章友親密蒿萊翁歲綠閔

以黃秋節迸又

一作已

窮四時既相迫萬慮自然叢南逸

浩淼際北貧磽确中曩懷沈遙江衰思結秋蒿

一作蓬

鋤

食難滿腹葉衣多醜躬塵

一作
麤

縷不自整古吟將誰通幽

竹嘯鬼神楚鐵生虬龍志士多異感運鬱由邪衷常思
書破衣至死教初童習樂莫習聲習聲多頑聾明明胸
中言願寫為高崇

幽苦日日甚老力步步微常恐暫下牀至門不復歸飢
者重一食寒者重一衣泛廣豈無涖恣行亦有隨

一作
隨時

語中失次第身外生瘡癢桂蠹既潜朽

一作
汚

桂花損貞

姿詈言一失香千古聞臭詞將死始前悔前悔不可追

哀哉輕薄行終日與駟

一作駟
欲驅駟

流運閃欲盡枯折皆相號棘枝風哭酸桐葉霜顏高老

蟲乾鐵鳴驚獸孤玉咆商氣洗

一作滿

聲瘦晚陰驅景勞

集耳不可遏噎神不可逃蹇行散餘鬱幽坐誰與曹抽

壯無一線剪懷盈千刀清詩

一作詩清

既名眺

一作郊

金菊亦

姓陶收拾昔所棄咨嗟今比毛幽幽歲晏言零落不可

操

霜氣入病骨老人身生冰衰毛暗相刺冷痛不可勝鷲

鷺伸

一作神

至明強強攬所憑瘦坐形欲折腹

一作晚

飢心

將崩勸藥左右愚言語如見憎聳耳噎神開

一作神氣開

始知功用

一作者

能日中視餘瘡暗隙

一作錄

聞繩

一作細

蠅

彼嗅一何酷此味半點凝潛毒爾無厭餘生我堪矜凍

飛幸不遠冬令反心懲出沒各有時寒熱苦

一作莫

相凌

仰謝調運翁請命願有徵

黃河倒上天衆水有却來人心不及水一直去不廻一

直亦有巧不肯至蓬萊一直不知疲唯聞至省臺忍古

不失古失古志易摧失古劍亦折失古琴亦哀夫子失
古淚當時落濯濯詩老失古心至今寒皚皚古骨無濁
肉古衣如蘚苔勸君勉忍古忍古銷塵埃

詈言

一作
署劍

不見血殺人何紛紛聲如窮家犬吠竇何閭

閭詈痛幽鬼哭詈侵黃金貧言詞豈用多憔悴在一聞
古詈舌不死至今書云云今人詠古書善惡宜自分秦
火不熟舌秦火空熟文所以詈更生至今橫網緼

靖安寄居

寄靜不寄華

一作
詳

愛茲嵒嶽居渴飲濁清泉飢食無名

蔬敗菜

一作
葉

不敢火補衣亦寫書古云儉成德今乃實

起予慙叟慙不足賢人賢有餘役生皆促促心竟誰舒
舒萬馬踏風衢衆塵隨犇車高賓盡不見大道夜方虛
臥有洞庭夢坐無長安儲英髦空駭耳煙火獨微如厚
念恐傷性薄田憶親鋤承一作
忙世不出力冬竹肯抽蘗
外物莫相誘約心誓從初碧芳既似水日日詠歸歟

雪

忽然太行雪昨夜飛入來峻嶒墮庭中巖白何皚皚奴
婢曉開戶四肢凍徘徊咽言詞不成告訴情狀推官給
未入門家人盡以灰意勸莫笑雪笑雪貧為災將暖此
殘疾典賣爭致杯教令再舉手誇曜餘生才強起吐巧
詞委曲多新裁為爾作非夫忍恥轟喝雷書之與君子
庶免生嫌猜

春愁

春物與愁客遇時各有違故花辭新枝新淚落故衣日

莫兩寂寞飄然亦同歸

懊惱

惡詩皆得官好詩空抱山抱山冷殍殍

音擊
寒貌

終日悲顏

顏好詩更相嫉劒戟生牙關前賢死已久猶在咀嚼間
以我殘抄身清峭養高閒求閒未得閒衆諂瞋競競

遊城南韓氏莊

初疑瀟湘水鑱在朱門中時見水底月

一作有時
池底山

動搖

池上風清氣潤竹林白光連虛空浪簇霄漢羽岸芳金

碧叢何言數畝間
環泛路不窮願逐

一作常慕

神仙侶飄然

一作從茲汗漫通

與二三友秋宵會話清上人院

何處山不幽此中情又別
一僧敲一磬七子吟秋月
激石泉韻清寄枝風嘯咽
冷然諸境靜頓覺浮累滅
扣寂兼探真通宵詎能輟

好鳥無雜棲華堂有嘉攜
琴樽互傾奏歌賦相和諧
但嘉魚水合莫令雲雨乖
一為鷓鴣彈再鼓壯士懷
初景

待誰曉新春
還一作君來願言良友會高駕不知廻

招文士飲

曹劉不免死誰敢負年華
文士莫辭酒詩人命屬花
退之如放逐李白自矜夸
萬古忽將似一朝同歎嗟
何言天道正獨使地形斜
南士愁多病北人悲去家
梅芳已流管柳色未藏鴉
相勸罷吟雪相從愁飲霞
醒時不可過愁海浩無涯

陪侍御叔遊城南山墅

夜坐擁腫亭晝登崔巍岑日窺萬峰首月見雙泉心松
氣清耳目竹氛碧衣襟佇想

一作
仰悲

琅玕字數聽枯槁吟

登華巖寺樓望終南山贈林校書兄弟

地脊亞為崖聳出冥冥中樓根插迴雲殿翼翔危空前
山胎元氣靈異生不窮勢吞萬象高秀奪五嶽雄一望
俗慮醒再登仙願崇青蓮三居士晝景真賞同

遊終南山

南山塞天地日月石上生高峰夜留景

太白峰西黃昏後見餘日

深

谷晝未明山中人自正路險心亦平長風驅松柏聲拂
萬壑清到此悔讀書朝朝近浮名

遊終南龍池寺

飛鳥不到處僧房終南巔龍在水長碧雨開山更鮮步
出白石上坐依清溪邊地寒松挂短石險道路一作
苔磴偏
晚磬送歸客數聲落遙天

南陽公請東櫻桃亭子春讌

萬木皆未秀一林一作
株先含春此地獨何力我公布深

仁霜葉日舒卷風枝遠埃塵初英濯紫霞飛雨流清津
賞異出罌雜折芳積懽忻文心茲焉重俗尚安能珍碧
玉粧粉比飛瓊穠艷均鴛鴦七十二花態併相新常恐
遺秀志迨茲廣讌陳芳菲爭勝引歌詠竟良辰方知戲
馬會永謝登龍賓

遊華山雲臺觀

華嶽獨靈異草木恒新鮮山盡五色石水無一色泉仙
酒不醉人仙芝皆延年夜聞明星館時韻女蘿弦敬茲

不能寐焚栢吟道篇

喜與長文上人宿李秀才小山池亭

燈盡語不盡主人庭砌幽
柳枝星影曙蘭葉露華浮
塊嶺笑群岫片池輕衆流
更聞清淨子逸唱頗難儔

邀花伴

自註時
在朔方

邊地春不足十里見一花
及時須遨遊日莫饒風沙

石淙

一作五
淙十首

巖谷不自勝水木幽竒多
朔風入空曲涇

一作
徑

流無大波

迢遞徑

一作
逗

難盡參差勢相羅雪霜有時洗塵土無由

和潔冷

一作
結吟

誠未厭晚步將如何

出曲水未斷入山深更重泠泠若仙語皎皎多異容萬

響不相雜四時皆有

一作
自

濃日月互分照雲霞各生峰

久迷向方理逮茲聳前蹤

荒策每恣遠顛步難自迴已抱苔蘚疾尚凌潺湲隈驛
驥苦銜勒籠禽恨摧頽實力苟未足浮誇信悠哉顧惟
非時用靜言還自咍

朔水刀劒利秋石瓊瑤鮮魚龍氣不腥潭洞狀更妍磴

雪入呀谷掬星灑遙天聲忙一作迫不及韻勢疾多斷漣

輸去雖有恨躁氣一作翻一何顛蜿蜒相纏掣犖确亦迴

旋黑草濯鐵髮白苔浮水錢具一作其生此云遙非德不

可甄何況被犀士制之空以權始知靜剛猛文教從來

先

空谷聳視聽幽湍澤心靈疾流脫鱗甲疊岸衝風霆丹

巘墮環景霽波灼一作閃虛形淙淙亟厚軸稜稜攢高冥

弱棧跨旋碧危梯倚凝青飄飄一作鶴骨仙飛動鼇背

庭

一作亭

常聞誇大言下顧皆細萍

百尺明鏡流千曲寒星飛為君洗故物有色如新衣不

飲泥土污但飲雪霜飢

一作肌

石稜玉纖纖草色瓊霏霏

谷磴有餘力溪舂亦多機從來一智萌能使衆利歸因
之山水中喧然論是非

入深得竒趣昇險為良躋搜勝有聞見逃俗無蹤蹊穴
流恣迴轉竅景忘東西戇獸鮮猜懼羅人巧置第幽馳

異處所忍慮多端倪虛獲我何飽實歸彼非迷斯文浪
云潔此旨誰得齊

屑珠瀉潺湲裂玉何威瓌若調千瑟弦未果一曲諧古

駭毛髮慄險驚視聽乖二一作土老皆勁骨風趨綠欵崖

地遠有餘一作遺美我遊采棄一作奇懷乘時幸勤鑿前恨

多幽靈弱力謝剛健蹇策貴安排始知隨事靜何必當

夕齋

昔浮南渡颺今攀朔山景物色多瘦削吟笑還孤永日

月凍有稜雪霜空無影玉噴不生水瑤渦旋成井潛角
時聳光隱鱗乍漂罔再吟獲新勝返步失前省愜懷雖
已多惕慮未能整頽陽落何處昇魄銜疎嶺

聖朝搜巖谷此地多遺玩怠惰成遠遊頑疎恣靈

一作虛

觀勁飈刷幽視怒水懾餘慙曾是結芳

一作茅

誠遠茲勉

流倦水條聳危慮霜翠瑩遐眇物誘信多端荒尋諒難
遍去矣朔之隅脩然楚之甸

遊韋七洞庭別業

洞庭如瀟湘疊翠蕩浮碧松桂無赤日風物饒清激
遙展幽韻參差逗良覲道勝不知疲冥搜自無歎曠然
青霞抱永矣白雲適崆峒非凡鄉蓬瀛在仙籍無言從
遠尚還思君子識

一作茲焉
與之敵

波濤漱古岸鏗鏘辨奇石

靈響非外求殊音自中積人皆走煩濁君能致虛寂何
以祛擾擾叩調清淅淅既懼豪華損誓從詩書益一舉
獨往姿再搖飛遁跡山深有變異意愜無驚惕采翠奪
日月照耀逸晝夕松齋何用掃蘿院自然滌業峻謝煩

蕪文高追古昔暫遙朱門戀終立青史績物表易淹留
人間重離折難隨洞庭酌且醉橫塘席

越中山水

日一作動覺耳目勝我來山水州蓬瀛若髣髴田

一作四

野如泛浮碧嶂幾千遶清泉一作源萬餘流莫窮合沓步

孰盡派別遊越水淨難污越天陰易收氣鮮無隱物目

視遠更周舉俗

一作族

媚蔥蒨連冬擷芳柔菱湖有餘翠

茗圃無荒疇賞異忽已遠探竒誠淹留永言終南色去

矣銷人憂

春集越州皇甫秀才山亭

嘉賓

一作嘉誘
一作善友

在何處置亭春山巔顧余寂寞者謬廁

芳菲筵視聽日澄澈聲光坐連綿晴湖瀉峰嶂翠浪多

萍蘚何以逞高志為君吟秋天

一作篇

和皇甫判官遊瑯琊溪

山中琉璃境物外瑯琊溪房廊逐巖壑道路隨高低碧
瀨漱白石翠煙含青蛻客來暫遊踐意欲忘簪珪樹杪

燈火夕雲端鐘梵齊時同雖可仰跡異難相攜唯當清
宵夢髣髴願一作攀躋

期

一作

攀躋

御定全唐詩卷三百七十五

欽定四庫全書薈要卷一萬七千七百八十一

集部

御定全唐詩卷三百七十六

孟郊

汝州南潭陪陸中丞公讌

一雨百泉漲南潭夜來深分明碧沙底寫出青天心遠

客洞庭至因茲滌煩襟既登飛一作青雲舫願奏清風琴

高岸立旗戟潛蛟失一作互浮沈威稜護斯浸魍魎逃所

侵山態變初霽水聲流新音耳目極眺聽潺湲與嶽岑

誰言柳太守空有白蘋吟

汝州陸中丞席喜張從事至同賦十韻

汝水無濁波汝山饒竒石大賢為此郡佳士來如積有
客乘白駒奉義愜所適清風蕩華館雅瑟泛瑤席芳醕
靜無喧金樽光有滌縱情孰慮損聽論自招益願折若
木枝却彼曜靈夕貴賤一相接憂悰忽轉易會合勿言
輕別離古來惜請君駐征車良遇難再覩

夜集汝州郡齋聽陸僧辯彈琴

康樂寵詞客清宵意無窮徵文北山

一作
窻

外借月南樓

中千里愁併盡

一作
寂然靜

一樽歡暫同胡為夏楚琴

一作
瑟

浙瀝起寒風

同年春燕

少年三十士嘉會良在茲高歌搖春風醉舞摧花枝意
蕩晚晚景喜凝芳菲時馬跡攢騷裊樂聲韻參差視聽
改舊趣物象含新姿紅雨花上滴綠煙柳際垂淹中講
精義南皮獻清詞前賢與今人千載為一期明鑒有皎

潔澄

一作良

玉無磷緇永與

一作將

沙泥別各整雲

一作霄

漢

儀盛氣自中積英名日四馳塞鴻絕儔匹海月難等夷

鬱抑

一作折

忽已盡親朋樂無涯幽蘅發空曲芳杜綿所

思浮跡自聚散壯心誰別離願保金石志無令有奪移

羅氏花下奉招陳侍御

眼在

一作見

枝上春落地成埃塵不是風流者誰為攀折

人寧辭波浪濶莫道往來頻拾紫宜宜晚掇芳須及晨

勞收賈生淚強起屈平身花下本無俗酒中別有神遊

蜂不飲故戲蝶亦爭新萬物盡如此過時非所珍

遊石龍渦

自註四僻千
仞散泉如雨

石龍不見形石雨如散星山下晴皎皎山中陰泠泠水
飛林木杪珠綴莓苔屏畜異物皆別當晨景欲暝泉芳
春氣碧松月寒色青陰一作力此獨壯猛獸亦不停日
莫且迴去浮心恨一作未寧

浮石亭

曾是風雨力崔巍漂來時落星夜皎潔近榜朝逶迤翠

漱遞明滅清潔瀉敬危况逢蓬島仙會合良在茲

看花

家家有芍藥不妨至溫柔溫柔一同女紅笑笑不休月

娥雙雙下楚艷枝枝浮洞裏逢仙人

一作韋達
仙人立

綽約青

一作清
宵遊

芍藥誰為壻人人不敢來唯應待詩老日日殷勤開玉
立無氣力春凝且裴徊將何謝青春痛飲一百杯

芍藥吹欲盡無奈曉風何餘花欲誰待唯待諫郎過諫

郎不事俗黃金買高歌高歌夜更清花意晚更多

一本連下

飲之四句

作一首

飲之不見底醉倒深紅波紅波蕩諫心諫心終無它獨
遊終難醉挈榼徒經過問花不解語勸得酒無多

獨遊四句

洪邁取

為絕句

三年此村落春色入心悲料得一孀婦經一作時獨淚

垂

濟源春

太行橫偃脊百里芳崔巍濟濱花異顏枋口雲如裁新
畫彩色濕上界光影來深紅縷草木淺碧珩沂洄千家
門前飲一道傳榼杯玉鱗吞金鈎仙璇琉璃開朴童茂
言語善俗無驚猜狂吹寢恒宴曉清夢先回治生鮮惰
夫積學多深材再遊詎癡憊一洗驚塵埃

濟源寒食

風巢嫋嫋春鷓鷯無子老人仰面嗟柳弓葦箭
一作箭 昔天覷
不見高紅遠綠勞相遮

女嬋

一作蟬

童子黃短短耳中聞人惜春晚逃蜂匿蝶踏

地

一作花

來拋却齋

一作黃

糜一瓷碗

一日踏春一百回朝朝沒脚走芳埃飢童餓馬埽花餵
向晚飲溪三兩杯

莓苔井上空相憶轆轤索斷無消息酒人皆倚春髮綠
病叟獨藏秋髮白

長安落花飛上天南風引至三殿前可憐春物亦朝謁

唯我孤

一作獨

吟渭

一作濟

水邊

枋口花間

一作
間

掣手歸嵩陽

一作
山

為

一作
與

我留

一作
駐

紅

暉可憐躑躅千萬尺
柱地柱天疑

一作
今

欲飛

蜜蜂為主各磨牙
咬盡村中萬木花
君家甕甕今應滿
五色冬籠甚可誇

遊枋口

一步復一步出行

一作
行路

千里幽為取山水
意故作寂寞

遊太行青巔高枋口
碧照浮明明無底
鏡泛泛忘機鷗
老逸不自限病狂
不可周恣閒饒淡
薄怠玩多淹留芳

物競晚綠梢，挂新柔和友。鶯相遠，言語亦以稠。

一作和友

鶯相遠飛

鶯亦以稠

始知萬類然，靜躁難相求。

聳我殘病骨，健如一仙人。鏡中照千里，鏡浪洞百神。此神日月華，不作尋常春。三十夜皆明，四時晝恒新。鳥聲盡依依，獸心亦忻忻。澄幽出所怪，閃異坐微綯。可來復可來，此地靈相親。

與王二十一員外涯遊枋口柳溪

萬株古柳根，拏此磷磷溪。野傍多屈曲，仙澗無端倪。春

桃散紅煙寒竹含晚淒曉聽忽以異芳樹安能齊共疑
落鏡中坐泛紅景低水意酒易醒浪情事非迷小儒峭
章句大賢嘉提攜潛竇韻靈瑟翠崖鳴玉珪主人稷卨
翁德茂芝朮畦鑿出幽隱端氣象皆升躋曾是清樂抱
逮茲幾省溪宴位席蘭草濫觴驚鳧鷖靈味薦魴辦金
花屑橙齏江調擺衰俗洛風遠塵泥徒言秦狂狷詎敢
忘筌蹄

與王二十一員外涯遊昭成寺

洛友寂寂約省騎
霏霏塵遊僧步晚
磬話茗含

一作合

芳

春

一作茵

瑤策冰入手粉
壁畫瑩神頰廊
芙蓉霽碧殿瑠

璃勻

一作津

玄講島

一作海

嶽盡淵詠文字
新屢笑寒竹讌

況接青雲賓顧慙
餘眷下哀瘵嬰殘身

嵩少

沙彌舞袈裟走向
躑躅飛閒步亦惺
惺芳援相依依噎
塞春咽喉蜂蝶事
光輝羣嬉且已晚
孤引將何歸流艷
去不息朝英亦疎
微

旅次洛城東水亭

水竹色相洗碧花動軒楹自然逍遙風蕩滌浮競情霜
落葉聲燥景寒人語清我來招隱亭衣上塵暫輕

洛橋晚望

天津橋下水初結洛陽陌上人行絕榆柳蕭疎樓閣閒
月明直見嵩山雪

北郭貧居

進乏廣莫力退為蒙籠
一作瀧居三年失意歸四向相識

疎地僻草木壯荒條扶我廬夜貧燈燭絕明月照吾書
欲識貞靜操秋蟬飲清虛

題陸鴻漸上饒新開山舍

驚彼武陵狀移歸此巖邊開亭擬貯雲鑿石先得泉嘯

竹引

一作索

清吹吟花成

一作討

新篇乃知高潔情擺落區

中綠

題韋承總吳王故城下幽居

自註韋生相門子孫

才飽身自貴蒼荒門豈貧韋生堪繼相孟子願依鄰夜

思琴

一作酒

語切畫情茶味新
霜枝留過鵲

一作鶴

風竹掃

蒙塵郢唱一聲發
吳花千片春
對君何所得
歸去覺情

真

一作貞

蘇州崑山惠聚寺僧房

昨日到上方
片雲挂

一作封

石牀錫杖莓苔青
袈裟松栢

香晴磬無短韻
古燈含永光
有時乞鶴歸
還訪

一作放
道

遙場

題從叔述靈巖山壁

換却世上心獨起山中情
露衣涼且鮮雲策高復輕
喜見夏日來變為松景清
每將逍遙聽不厭颼颼聲
遠念塵末宗未踈俗間名
桂枝一作科妄舉手一作意萍路空勞
生仰謝開淨弦相招時一鳴

題林校書花巖寺書窗

隱詠不誇俗問禪徒淨居
翻將白雲字一作寺寄向青蓮

書擬古投松坐就明開紙
疏昭昭一作綿綿南山景獨與心

相如

藍溪元居士草堂

市井不容義義歸山谷中夫君宅松桂招我棲蒙籠人
朴情慮肅境閒視聽空清溪宛轉水修竹徘徊風木倦
採樵子土勞稼穡翁讀書業雖異敦本志亦同藍岸青

漠漠藍峰碧崇崇日昏各命酒

一作
返

寒蛩鳴蕙叢

一作
寒鹿

鳴荒
叢

新卜清羅幽居奉獻陸大夫

黔婁住何處仁邑無餒

一作
飢

寒豈悟舊羈旅變為新閒

安二頃有餘食三農行可觀籠禽得高巢
輒鮒還層澗
翳翳桑柘墟紛紛田里歡兵戈忽消散
耦耕非艱難嘉
木偶良酌芳陰庇清彈力農唯一事趣
世徒萬端靜覺
本相厚動為末所殘此外有餘暇鋤荒
出幽蘭

題韋少保靜恭宅藏書洞

高意合天製自然狀無窮仙華凝四時
玉蘚生數峰書
祕漆文字匣藏金蛟龍間一作為
氣候肅開作雲雨濃

洞隱諒非久巖夢誠必通將綴文士集
貫就真珠叢

生生亭

灘鬧不妨語跨溪仍

一作宜

置亭置亭帶嶮頭開窗納遙

青遙青新畫出三十六扇屏裊裊立平地稜稜浮高冥
一日數開扉仙閃目不停徒誇遠方岫曷若中峰靈拔
意千餘丈浩言永堪銘浩言無媿同媿同忍醜醒致之
未有力力在君子聽

寒溪

霜

一作露
一作路

洗水色盡寒溪見纖鱗幸臨虛空鏡照此殘

悴身潛滑不自隱
露底瑩更新
豁如君子懷
曾是危陷
人始明淺俗
心夜結朝已
津淨漱一掬
碧遠消千慮
塵始知泥步泉
莫與山源隣

洛陽岸邊道
孟氏莊前溪
舟行素冰

一作
艾荷

折聲作青瑤

嘶綠水結綠玉
白波生白珪
明明寶鏡中
物物天照齊
仄步下危曲
攀枯闌孀啼
霜芬稍消歇

一作宿雲
蕭索歇

凝景

微茫齊癡坐
直視聽顛行
失蹤蹊岸童

一作
重

斲棘勞語

言多悲悽

曉飲一杯酒踏雪過清溪波瀾凍為刀割割鳧與鷺宿
羽皆翦棄血聲沈沙泥獨立欲何語默念心酸嘶凍血
莫作春作春生不齊凍血莫作花作花發孀啼幽幽棘
針村凍死難耕犁

篙工碓玉星一路隨迸螢朔凍哀徹底獠饒詠潛鯉水
齒相磨嚙風音酸鐸鈴清悲不可逃洗出纖悉聽碧澗
卷已盡彩縷飛飄零下躡滑不定上樓折難停哮嘍呶

一作
呻
啣
冤
仰
訴
何
時
寧

一曲一直水白龍何鱗鱗凍颼雜碎號壘音坑谷辛爪

音爪 梳
棧木也

揃

古文
棧字

吃無力飛走更相仁猛弓一折絃餘喘

爭來賓大嚴此之立小殺不復陳皎皎何皎皎氤氳復
氤氳瑞晴刷日月高碧開星辰獨立兩脚雪孤吟千慮
新天攬徒昭昭箕舌虛斷斷堯舜不聽汝孔微亦有臣
諫書竟成章古義終難陳

因凍死得食殺風仍不休以兵為仁義仁義生刀頭刀
頭仁義腥君子不可求波瀾抽劒水相劈如仇讐尖雪

入魚心魚心明愀愀况如罔兩說似訴割切由誰使異
方氣入此中土流翦盡一月春閉為百谷幽仰懷新霽
光下照疑憂愁

溪老哭甚寒涕泗水珊珊飛死走死形雪裂紛心肝劔
刃凍不割弓弦彊難彈常聞君子武不食天殺殘斲玉
掩骼胔弔瓊哀闌干

溪風擺餘凍溪景銜明春玉消花滴滴虬解光鱗鱗懸
步下清曲消期濯芳津千里冰裂處一勺暖亦仁凝精

互相洗滌漣競將新忽如劒瘡盡初起百戰身

立德新居

立德何亭亭西南聳高隅陽崖洩春意井圃留冬蕪勝
引即紆道幽行宣通衢碧峰遠相揖清思誰言孤寺秩

雖貴家

一作未貴

濁醪良可哺

聳城架霄

一作霧

漢潔宅涵緼開門洛北岸時鎖嵩陽

雲夜高星辰大晝長天地分厚韻屬疎語薄名謝鷺聞
茲焉有殊隔永矣難及群

賓秩已覺厚私儲常恐多清貧聊自爾素責將如何儉
教先勉力修襟無餘佗良棲一枝木靈果片葉荷仰笑
鷗鵬輩委身拂天波

疎門不掩水洛色寒更高曉碧流視聽夕清濯衣袍為

於一作但立仁義得一作德

未覺登涉勞遠岸雪難莫

一作盡勁

枝風易號

一作繞

霜禽各嘯侶吾亦愛吾曹

崎嶇有懸步委曲饒荒尋遠樹足良木踈巢無爭禽素
魄銜夕岸綠水生曉潯空曠伊洛視髣髴瀟湘心何必

尚遠異憂勞滿行襟

懸途多仄足崎圃無修畦芳蘭與宿艾手擷心不迷品

子懶讀書轅駒難服犁虛食日相投一作夸腸詎能低

恥從新學游願將古農齊

都城多聳秀愛此高縣居伊雒遠街巷鴛鴦飛閭閻翠

景何的皦霜颺飄空虛突出萬家表獨治二畝蔬一作

一旬一手版十日九手鋤

手鋤手一作自勗激勸亦已饒畏彼梨粟兒空資玩弄

驕夜景臥難盡晝光坐易消治舊得新義耕荒生嘉苗
鋤治苟愜適心形俱逍遙

玉蹄裂鳴水金綬忽照門拂拭貧士席拜候丞相轅

一作

軒德疎未為高禮至方覺尊宣唯耀茲日可以榮遠孫
如何一陽朝獨荷衆瑞繁

東南富水木寂寥蔽光輝此地足文字及時隘驂駢反
雪踏為平澀行變如飛令畦生氣色嘉綠新霏微天意

資厚養賢人肯相違

自註末二章冬至日鄭
相至門以屬意在焉



御定全唐詩卷三百七十六

欽定四庫全書蒼要卷一萬七千七百八十二

集部

御定全唐詩卷三百七十七

孟郊

西上經靈寶觀

自註觀即尹真人舊宅

道士無白髮語音

一作言

靈泉清青松多壽色白石恒夜

明放步霽霞起振衣華風生真文祕中頂寶氣浮四楹
一片古關路萬里今人行上仙不可見驅一作孤策徒西

征

泛黃河

誰開崑崙源流出混沌河積雨

一作羽

飛作風驚龍噴為

波湘瑟颼颼弦越賓

一作客

嗚咽歌有恨

一作雙眼

不可洗虛

此來經過

往河陽宿峽陵寄李侍御

莫天寒風悲屑屑啼鳥遶樹泉水噓行路解鞍投古

一作

石陵蒼蒼隔山見微月鴉鳴犬吠霜煙昏開囊拂巾對

盤飧人生窮達感知已明日投君申片言

鷓路溪行呈陸中丞

鷓路不可越三十六渡溪有物飲碧水高林挂青蛭歷

覽道更險驅使跡頻

一作頻

睽視聽易常主心魂互相迷

浪石忽搖動沙堤信難躋危峰紫霄外古木浮雲齋出

阻

一作祖

望汝郡大賢多招攜疲馬戀舊秣羈禽思故棲

應憐泣楚玉棄置如塵泥

獨宿峴首憶長安故人

月迴無隱物況復大江秋江城與沙村人語風颭颭峴

亭當此時故人不同遊故人在長安亦可將夢求

自商行謁復州盧使君虔

一身遠千山遠作行路人未遂東吳歸暫出西京塵仲

宣荊州客今余

一作
為

竟陵賓往蹟雖不同託意皆有因

商嶺莓苔滑石坂上下頻江漢沙泥潔永日

一作
水白

光景

新獨淚起殘夜孤吟望初晨驅馳竟何事章句依深仁

夢澤中行

一本無
中字

楚山爭蔽虧日月無全輝楚路饒迴惑旅人有多

一作
多

迷

歸騏驥思北首鷓鴣願南飛我懷京洛遊未厭風塵衣
京山行
衆畜聚病馬流血不得行後路起夜色前山聞虎聲此
時遊子心百尺風中旌

旅次湘沅有懷靈均

分拙多感激久遊遵長途經過湘水源懷古方跼蹐舊
稱楚靈均此處殞忠軀側聆故老言遂得旌賢愚名參
君子場行為小人儒騷文街貞亮體物情崎嶇三黜有

愠色即非賢哲模五十爵高秩謬膺從大夫胸襟積憂

愁容鬢復

一作先

彫枯死為不弔鬼生作猜謗徒吟澤潔

其身忠節寧見輸懷沙滅其性孝行焉能俱且聞善稱
君一何善自殊且聞過稱已一何過不渝悠哉風土人
角黍投川隅相傳歷千祀哀悼延八區如今聖明朝養
育無羈孤君臣逸雍熙德化盈紛敷巾車徇前侶白日
猶昆吾寄君臣子心戒此真良圖

過彭澤

揚帆過彭澤舟人訝歎息不見種柳人霜風空寂歷

過分水嶺

一作東嶺

山壯馬力短馬

一作路

行石齒中十步九舉轡迴環失西

東溪水變為雨懸崖陰濛濛客衣飄飄秋葛花零落風

白日捨我没

一作去

征途忽然窮

分水嶺別夜示從弟寂

一作示于孟叔

南中少平地山水重疊生別泉萬餘曲迷舟獨難行四
際亂峰合一眺千慮并潺湲冬夏冷光彩晝夜明賞心

難久勝離腸忽自驚古木搖霽色高風動秋聲

一作古木解舊

葉迴風
結秋聲

飲爾一樽酒慰我百憂輕嘉期何處定此晨堪

寄情

連州吟

春風朝夕起吹綠日日深試為連州吟淚下不可禁連

山何連連連天碧岑

一作
嶽

岑哀猿哭花死子規裂客心

蘭芷結新佩瀟湘遺舊音怨聲能翦弦坐撫零落琴

羽翼不自有相追力難任唯憑方寸靈獨夜萬里尋方

尋魂飄飄南夢山嶠嶽
鬢髮驚颯颯悉窅聞楓林正直
被放者鬼魅無所侵賢人多安排俗士多虛欽
一作孤
懷吐明月衆毀鑠黃金願君保玄曜壯志無自沈

朝亦連州吟暮亦連州吟連州果有信一紙萬里心
開緘白雲斷明月墮衣襟南風嘶舜瑄苦竹動猿音
萬里愁一色瀟湘雨淫淫兩劍忽相觸雙蛟恣浮沈
鬪水正迴幹倒流安可禁空愁江海信驚浪隔相尋

旅行

楚水結冰薄楚雲為雨

一作雪

微野梅參差發旅榜逍遙

歸

上河陽李大夫

上將秉神略至兵無猛

一作血

威

一作兵無
血戰威

三軍當

一作向

嚴冬一撫勝重衣霜劍奪衆景夜星失長輝蒼鷹獨立

時惡鳥不散飛武牢鎖天關河橋紐地機大將

一作君
一作軍

奚以安守此稱者稀貧士少顏色貴門多輕肥試登山

嶽高方見草木微山嶽息既廣草木心皆歸

投贈張端公

一作贈裴
樞端公

君子量不極，胸吞百川流。
嫉邪霜氣直，問俗春辭柔。
日戶晝輝靜，月杯夜一作宵景幽。
詠驚芙蓉發，笑激風飈秋。
鸞步獨無侶，鶴音仍寡儔。
幸霑分寸顧，散此千萬憂。

贈蘇州韋郎中使君

謝客吟一聲，霜落羣聽清。
文含元氣柔，鼓動萬物輕。
嘉木依性植，曲枝亦不生。
塵埃徐庾詞，金玉曹劉名。
章句作雅正，江山益鮮明。
萍蘋一浪草，菰蒲片池榮。
曾是康

樂詠如今寡其英顧惟菲薄質亦願將此并一作行

上張徐州

為水不入海安得浮天波為木不在山安得橫日柯再
來君子傍始覺精義一作藝多大德唯一施眾情自偏頗

至樂無一作變宮徵至聲遺謳謔願鼓空桑弦永使萬物

和顧已誠拙訥干名已蹉跎獻詞惟在口所欲無餘佗
乍作支泉石乍作翳松蘿一不改方圓破質為琢磨賤
子本如此大賢心若何豈是無異途異途難經過

上巳祭酒

嶽嶽冠蓋彥英英文字雄瓊音獨聽時塵韻固不同春
雲生紙上秋濤起胸中時吟五君詠再舉七子風何幸
松桂侶見知勤苦功願將黃鶴翅一借飛雲空

贈別崔純亮

一本無別字

食齋腸亦苦強歌聲無歡出門即有礙誰謂天地寬有
礙非遐方長安大道傍小人智慮險平地生太行鏡破
不改光蘭死不改香始知君子心交久道益彰君心與

我懷離別俱迴遑譬如浸藥泉流苦已一作來日長忍泣

目易衰忍憂形易傷項籍宣一作非不壯賈生宣一作非不

良當其失意時涕泗各沾裳古人勸加餐一作食此餐一作

非難自強一飯九祝噎一嗟十斷腸況是兒女怨怨氣

凌彼蒼彼蒼若有知白日下清霜今朝始驚歎一作呼碧

落一作白日空茫茫

贈文應上人一作高僧

棲遲青山巔高靜身所便不殘有命草但飲無聲泉齋

性空轉寂學情深更專經文開貝葉衣製垂秋蓮厭此
俗人羣暫來還却旋

一作此
安禪

嚴河南

赤令風骨峭語言清霜寒不必用雄威見者毛髮攢我
有赤令心未得赤令官終朝衡門下忍志將筑彈君從
西省郎正有東洛觀洛民蕭條久威息憫撫難苦竹聲
嘯雪夜齋聞千竿詩人偶寄耳聽苦心多瑞多端落杯
酒酒中方得歡隱士多飲酒此言信難刊取次令坊沽

舉止務在寬何必紅燭嬌始言清宴闌丈夫莫矜莊矜
莊不中看

贈李觀

自註觀
初登第

誰言形影親燈滅形去身誰言魚水歡水竭魚枯

一作損

鱗昔為同恨客今為獨笑人捨予在泥輒飄跡上雲津臥
木易成蠹棄花難再春何言對芳景愁望極蕭晨埋劍
誰識氣匣弦日生塵願君語高風為余問蒼旻

吳安西館贈從弟楚客

蒙寵揚柳館中有南風生風生今為誰湘客多遠情孤
枕楚水夢獨帆楚江程覺來殘恨深一作心尚與歸路并
玉匣五弦在請君時一鳴

贈章仇將軍

將軍不誇劍才氣為英雄五嶽拽力內百川傾意中本
立誰敢拔飛文自難窮前時天地翻已有扶正功

贈道月上人

僧貌淨無點僧衣寧綴華尋常晝日行不使身影斜飯

木煮松栢坐山敷

一作選

雲霞欲知禪隱高緝薜為袈裟

抒情因上郎中二十二叔監察十五叔兼呈李

益端公柳真評事

方憑指下弦寫出心中言寸草賤子命高山主人恩遊
邊風沙意夢楚波濤魂一日引別袂九迴沾淚痕自悲
何以然在禮闕晨昏名利時轉甚是非宵亦喧浮情少
定主百慮隨世翻舉此胸臆恨幸從賢哲論明明三飛

鷺

一作步兵
與雙鷺

照物如朝暾

贈城郭道士

望裏失却山聽中遺却泉松枝休策雲藥囊翻貯錢曾
依青桂隣學得白雲弦別來一作別別意未迴世上為隱仙

桐廬山中贈李明府

靜境無濁氛清雨零碧雲千山不隱響一葉動亦聞即
此佳志士精微誰相羣欲識楚一作此章句袖中蘭茝薰

獻漢南樊尚書

天下昔崩亂大君識賢臣衆木盡搖落始見竹色真兵

勢走山嶽陽光潛埃塵心開玄女符面縛清波人異俗
既從化澆風亦歸淳自公理斯郡寒谷皆變春旗影卷
赤電劔鋒匣青鱗如何嵩高氣作鎮楚水濱雲鏡忽開
霽一作景孤光射無垠乃知尋常鑒照影不照神

贈轉運陸中丞

掌運職既大摧邪名更雄鵬飛簸曲雲鷲怒生直風投
彼霜雪令翦除荆棘叢楚倉傾向西吳米發自東帆影
咽河口車聲聳闕中堯知才策高人喜道路通皆經內

史力繼得鄼侯功萊子真

一作貧

為少相如未免窮衣花

野菡萏書葉山梧桐不是宗匠心誰憐久棲蓬

贈萬年陸郎中

天子憂劇縣寄深華省郎紛紛風響珮螭螭劍開霜舊

事突堆案新

一作雜

聲唯雅章誰言百里

一作步

才終作橫

天梁江鴻恥承眷雲津未能翔徘徊塵俗中短毳無輝

光

擢第後東歸書懷獻座主呂侍御

一作郎

昔歲辭親淚今為戀主

一作思

泣去住情難竝別離景易

戢天矯大空鱗曾為小泉蟄幽意獨沉時震雷忽相及

神行既不宰直致

一作制

非所執至運本遺功輕生各

一作

苦自立大君思此化良佐自然集寶鏡無私光時文有

新習慈親誠志就賤子歸情急擢第謝靈臺牽衣

一作名

出皇邑行襟海日曙逸抱江風入蒹葭得

一作綠

波浪芙蓉

蓉紅岸濕雲寺勢動搖山鐘韻噓吸舊遊期再踐懸水

得重挹松蘿雖可居青紫終當拾

古意贈梁肅補闕

曲木忌日影，讒人畏賢明。自然

一作來

照燭間，不受邪佞

輕。不有百煉火，孰知寸金精。金

一作銅

鉛正同鑪，願分精

與麈尾

贈黔府王中丞楚

舊說天下山，半在黔中青。又聞天下泉，半落黔中鳴。山水千萬遠，中有君子行。儒風一以扇，汙俗心皆平。我願中國春，化從異方生。昔為陰草毒，今為陽華英。嘉實綴

綠蔓涼湍瀉清聲逍遙物景勝視聽空曠并困驥猶在
轅沈珠尚隱精路遐莫及眇泥汙日已盈歲晏將何從
落葉甘自輕

上達奚舍人

北山少日月草木苦風霜貧士在重坎食梅有酸腸萬
俗皆走圓一身一作心猶學方常恐衆毀至春葉成秋黃
大賢秉高鑒公燭無私光暗室曉未及幽行一作吟涕空

行

贈主人

斗水瀉大海不如瀉枯池分明賢達交宜顧豪華兒海
有不足流豪有不足資枯鱗易為水貧士易為施幸覩
君子席會將幽賤期側聞清風議飫如一作飲黃金卮此
道與日月同光無盡時

贈建業契公

師住青山寺清華常繞身雖然到城郭衣上不棲塵

獻襄陽于大夫

襄陽青山郭漢江白銅堤謝公領茲郡山水無塵泥鐵
馬萬霜雪絳旗千虹霓風漪參差泛石板重疊躋舊淚
不復墮新歡居然齊還畊竟原野歸老相扶攜物色增
曖曖寒芳更萋萋淵清有遐略高躅無近蹊一作泉賦
無暴掠與
歌有安綏即此富蒼翠自然引翔棲曩遊常抱憶夙好今尚
睽願言從逸轡暇日凌清溪

贈鄭夫子魴

天地入胸臆吁嗟生風雷文章得其微物象由我裁宋

玉逞大句李白飛狂才苟非聖賢心孰與造化該勉矣
鄭夫子驪珠今始胎

大隱坊

一作大
隱詠

崔從事郎以直隲職

一作
官

古人留清風千載遙贈君破松見貞心裂竹見

一作
看

直

丈殘月色不改高賢德常新家懷詩書富宅抱草木貧

安得一蹄泉

一作安排
一泉深

來

一作
直

化千尺鱗舍意永不語

釣璜幽水濱

章仇將軍良棄功守貧

一作贈章仇兵馬使

飲君江

一作滄

海心詎

一作誰

能辨淺深挹君山嶽德誰能

齊嶽岑東海精為月西嶽氣凝金進則萬景晝

一作晝

退

則羣物陰我欲薦此言天門峻沈沈風颺亦感激為我
颺颺吟

趙記室倣在職無事

卑靜身後老高動物先推方圓水任器剛勁木成灰大
道毋羣物達人腹衆才時吟堯舜篇心向無為開彼隱

山萬曲我隱酒一杯公庭何所有日日清風來

贈韓郎中愈

何以定

一作結

交契贈君高山石何以保貞堅

一作婆

贈君

青松色貧居

一作交

過此外無可相彩飾聞君碩

一作首

鼠

詩

一作更有其鼠詩

吟之淚空滴

一作堪淚滴

碩鼠既穿墉又啮機上絲穿墉有閒

一作餘

土啮絲無餘

衣

一作絲

朝吟枯桑柘暮泣空

一作穿

杼機豈是無巧妙絲

斷將何施衆人尚肥華志士多飢羸願君保此節

一作願保

此貞節

天意當察微

右二詩一
本作一首

前日遠別離今日生白髮欲知萬里情曉臥半牀月常

恐百蟲秋使我芳草歇

一本連上第
二篇作一首

戲贈無本

長安秋聲乾木葉相號悲瘦僧臥冰凌嘲

一作
朔

詠舍金

瘡金瘡非戰痕峭病方在茲詩骨聳東野詩濤湧

一作
勇

退之有時踉蹌行人驚鶴阿師可惜李杜死不見此狂

癡

燕僧聳聽詞袈裟喜新翻北岳厭利殺玄功生微言天
高亦可飛海廣亦可源文章杳無底斲誰能根夢靈
髣髴到對我方與論拾月鯨口邊何人免為吞燕僧擺
造化萬有隨手弄補綴雜霞衣笑傲諸貴門將明文在
身亦爾一作示道所存朔雪凝別句朔風飄征魂再期嵩
少遊一訪蓬羅村春草步步綠春山日日暄一作喧遙鶯
相應吟晚聽恐不繁相思塞心胸高逸難攀援

御定全唐詩卷三百七十七



總校官庶吉士臣張能照

校對官檢討臣郭寅

謄錄監生臣藍嘉瑄

欽定四庫全書會要

集部

御定全唐詩卷三百

七十八至
八十

詳校官候補通政司經歷臣郭祚熾




欽定四庫全書薈要卷一萬七千七百八十三

集部

御定全唐詩卷三百七十八

孟郊

寄張籍



夜鏡不照物朝光何時升黯然秋思

一作愁氣

來走入志士

膺志士惜時逝一宵三四興清漢徒自朗濁河終無澄
舊愛忽已遠新愁坐相凌君其隱壯懷我亦逃名稱古
人貴從晦君子忌黨朋傾敗生所競保全歸懵懵

一作苦懵

浮雲何當來潛虬會飛騰

憶周秀才素上人時聞各在一方

一本無
聞字

東西分我情魂夢安能定野客雲作心高僧月為性浮
雲自高閒明月常空淨衣敝得古風居山無俗病吟聽
碧雲語手把青松柄羨爾欲寄書飛禽杳難倩

舟中喜遇從叔簡別後寄上時從叔初擢第

一作

侍從歸江南郊不從行

一意兩片雲暫合還却分南雲乘慶歸北雲與誰群寄

聲千里風相喚聞不聞

懷南岳隱士

見說祝融峰擎天勢似騰藏千尋布水出十八高僧古
路無人跡新霞吐石稜終居將爾叟一一共余登

千峰映碧湘真叟此中藏飯不煮石喫着應似髮長楓
裡即相與
相同楮酒甕鶴蟲落琴牀強效忘機者斯人尚未

忘

春夜憶蕭子真

半夜不成寐燈盡又

夕一作

無月獨向堦前立子規啼不

歇況我有金蘭忽爾為胡越爭得明鏡中久長無白髮

寄院中諸公

奕奕秋水傍駸駸綠雲蹄月仙有高曜靈鳳無卑棲翠

色遶雲谷碧華凝月

一本作句

溪竹林遞歷覽雲寺行攀躋

冠豸猶屈蠖匣龍期刺犀千山驚月曉百里聞霜鼙戎
府多秀異謝公期相攜因之仰群彥養拙固難齊

寄洺州李大夫

自從薊師反中國事紛紛儒道一失所賢人多在軍鳥
巢憂迸射鹿耳駭驚聞劍折唯恐匣怨匠一作弓貧不讓勳

方知省事將動必謝前群鶴陣常先罷魚符最晚分步

閑洛水曲笑激太行雲詩叟未相識竹兒爭見君殷勤

越

一作起

談說記盡古風

一作夙

文

寄盧虔使君

霜露再相換遊人猶未歸歲月新改色客久線斷衣有

鶴冰在翅竟久力難飛千家舊素沼昨一作斜日生綠輝

春色若可

一作不

借為君步芳菲

寄崔純亮

百川有餘水大海無滿波
器量各相懸賢愚不同科
群辯有姿語衆歡無一作有
行歌唯餘洛陽子鬱鬱恨常多
時讀過秦篇為君涕滂沱

汴州離亂後憶韓愈李翱

會合一時哭別離三斷腸
殘花不待風春盡各飛揚
歡去收不得悲來難自防
孤門清館夜獨臥明月牀
忠直

血白刃道路聲蒼黃食恩三千士一旦為豺狼海島士
皆直夷門士非良人心皆不類天道亦反常自殺與彼
被一作殺未知何者臧

寄張籍

未見天子面不如雙盲人賈生對文帝終日猶悲辛夫
子亦如盲所以空泣麟有時獨齋心髣髴夢稱臣夢中
稱臣言覺後真埃塵東京有眼富不如西京無眼貧西
京無眼猶有耳隔牆時聞天子車

一本有聲
之二字

麟麟麟麟

車聲輾冰玉南郊壇上禮百神西明寺後窮瞎張太祝
縱爾有眼誰爾珍天子咫尺不得見不如閉眼且養真

寄義興小女子

江南莊宅淺所固唯疎籬小女未解行酒第

一作病叔

老更

癡家中多吳語教爾遙可知山怪夜動門水妖時弄池
所憂癡酒腸不解委曲辭漁妾性崛強耕童手皴瘡想
茲為襁褓如鳥拾柴枝我詠元魯山胸臆流甘滋終當

學自乳起坐常

一作尚

相隨

憶江南弟

白首眼垂血望爾唯夢中筋力強起時魂魄猶在東眼
光寄明星起來東望空望空不見人江海波無窮衰老
無氣力呼叫不成風孑然憶憶言落地何由通常師共
被教竟作生離翁生離不可訴上天何曾聰未忍對松
栢自鞭殘朽躬自鞭亦何益知一作矩教非所崇努力拄
杖來餘活與爾同不然死後恥遺死亦有終

宿空姪院寄澹公

夜坐冷竹聲二三高人語燈窻看律鈔小師別為侶雪

簷晴滴滴茗椀華舉舉

一作乳華舉

磬音多風颺聲韻聞江

楚官街不相隔詩思空愁予明日策杖歸去住兩延佇

寄陝府鄧

一作實

給事

第二十四句缺一字

陝城臨大道館宇屹幾鮮候謁隨芳

一作方

語鏗詞芬蜀

牋從來鏡目下見盡道心前自謂古詩量異

一作冀

將新

學偏慙人年六十每月請三千不敢等閒用願為長壽

錢非闕亦潔爾將以救羸然孤省癡皎皎黯吟寫綿綿

病書憑晝日

一作目

驛信寄宵鞭疾訴將何諭肆鱗今倒

懸塵鯉見枯浪土鬣思乾泉感感無緒蕩愁愁作邊

貞元文祭酒

自註即陽公

比謹學韋玄滿坐風無雜當朝雅

獨全見知囑徐孺

自註即徐端公

賞句類陶淵一顧生鴻羽再

言將鶴翩宣揚隘車馬君子湊駢闐曾是此同睽至今
應賜憐磨墨零落淚楷字貢仁賢

送諫議十六叔至孝義渡後奉寄

曉渡明鏡中霞衣相飄颻浪鳧驚亦雙蓬客將誰僚別

飲孤易醒離憂壯難銷文清雖無敵儒貴不敢驕江吏
捧紫泥海旗剪紅蕉分明太守禮跨躡毗陵橋伊洛去
未迴遐矚空寂寥

至孝義渡寄鄭軍事唐二十五

咫尺不得見心中嗟嗟官街泥水深下脚道路斜嵩
少玉峻峻伊雒碧華華岸亭當四迴詩老獨一家洧叟
何所如鄭石唯有些何當來說事為君開流霞

答友人

白日照清水淺深無隱姿君子業高文懷抱多正思砥
行碧山石結交青松枝碧山無轉易青松難傾移落落
出俗韻琅琅大雅詞自非隨氏掌明月安能持千里一作

十不可倒一作一返一作發無近一作期如何非意中一作

良覲忽在茲道語一作必疎淡儒風易凌遲願存堅貞

二作節勿為霜霰一作欺

酬友人見寄新文

為客棲未定況當玄月中繁雲翳碧霄落雪和清風郊

陌絕行人原隰多飛蓬耕牛返村巷野鳥依房櫳我無
饑凍憂身託蓮花宮安閒賴禪伯復得疏塵蒙覽君郢
曲文詞彩何沖融謳吟不能已頓覺形神空

答韓愈李觀別因獻張徐州

一作長安留別李
觀韓愈因獻張徐

州

富別愁在顏貧別愁銷骨懶磨舊銅鏡畏見新白髮古
樹春無花子規啼有血離弦不堪聽一聽四五絕

一作三四

裂

世途非一險俗慮有

一作各

千結有客步大方驅車獨

迷轍故人韓與李逸翰雙皎潔哀我摧折歸贈詞縱橫

設徐方國東樞

一作號在

元戎天下傑禰生投刺遊王粲吟

詩謁高情無遺照朗抱開曉月有土不埋冤有讐皆為

雪願為直

一作奇

草木永向君地列願為古琴瑟永向君

聽

一作前

發欲識丈夫心曾將孤

一作實

劍說

答書上人止讒作

烈烈鸞鷲吟鏗鏗琅玕音臬權明月嘯鶴起清風心渭

水不可渾涇流徒相侵俗侶唱桃葉隱士

一作仙

鳴桂琴

子野真遺却浮淺藏淵深

答姚尙見寄

日月不同光晝夜各有宜賢哲不苟合出處亦待時而
我獨迷見意求異士知如將舞鶴管誤向驚鳧吹大雅
難具陳正聲易漂淪君有丈夫淚泣人不泣身行吟楚

山玉

一作下

義淚沾衣巾

答郭郎中

松栢死不變千年色青青志士貧更堅守道無異營每

彈瀟湘瑟獨抱風波聲中有失意吟知者淚滿纓何以
報知者永存堅與貞

答盧虔故園見寄

訪舊無一人獨歸清雒春花聞哭聲死水見別容新亂
後故鄉宅多為行路塵因悲楚左右謗玉不知珉

汝墳蒙從弟楚材見贈時郊將入秦楚材適楚

朝為主人心暮為行客吟汝水忽淒咽汝風流苦音北

闕秦門高南路

一作山

楚石深

一作北關時時
遠南山路更深

分淚灑白

日離腸繞青岑何以寄遠懷

一作我書

黃鶴能相尋

同從叔簡酬盧殷少府

梅尉吟楚聲竹風為淒清
深虛冰在性高潔雲入情
借水洗閒貌寄蕉書逸名
羞將片石文鬪此雙瓊英

酬李侍御書記秋夕雨中病假見寄

秋風遶衰柳遠客聞雨聲
重茲阻良夕孤坐唯積誠
果枉移疾詠中含嘉慮
明洗滌煩濁盡視聽昭曠
生未覺衾枕倦久為章奏
嬰達人不寶

一作保

藥所保在閒情

答盧仝

楚屈入水死詩孟踏雪僵直氣苟有存死亦何所妨日
劈高查牙清稜含冰漿前古後古冰與山氣勢強閃怪
千石形異狀安可量有時春鏡破百道聲飛揚潛仙不
足言朗客無隱腸為君傾海宇日夕多文章天下豈無
緣此山雪昂藏煩君前致詞哀我老更狂狂歌不及狂
歌聲緣鳳皇鳳兮何當來消我孤直瘡君文真鳳聲宣
隘滿鏗鏘洛友零落盡逮茲悲重傷獨自奮異骨將騎

白

一作玉

角翔再三勸莫行寒氣有刀槍仰慙君子多慎

勿作芬芳

春報翰林張舍人見遺之詩

百蟲笑秋律清削月夜聞曉稜視聽微風剪葉已紛君
子鑒大雅老人非俊群收拾古所棄俛仰補空文孤韻
恥春俗餘響逸零零自然蹈終南滌暑凌寒氣巖霰不
知午礪澌鎮含曛曾是醒古一作沽醉所以多隱淪江調
樂之遠溪謠生徒新泉蘊有餘采寒泉空哀呻南謝竟

莫至北宋當時珍蹟

一作頤

靈各自異酌酒

一作聖
一作醒

誰能

均昔詠多寫諷今詞詎無因品松何高翠

一作位
何高

宮一作

萃

殿沒荒榛苔趾識宏製沙淥游崩津忽吟陶淵明此

即羲皇人心放出天地形拘在風塵前賢素行階夙嗜

青山勤達士立明鏡朗言為近臣將期律萬有傾倒甄

無垠鷺鷥應蟋蟀絲毫意皆申況於三千章哀叩不為

神

送從弟郢東歸

爾去東南夜我無西北夢誰言貧別易貧別愁更重曉
色奪明月征人逐群動秋風楚濤高旅榜將誰共

山中送從叔簡赴舉

石根百尺杉山眼一片泉倚之道氣高飲之詩思鮮於
此逍遙場忽奏別離弦却笑薜蘿子不同鳴躍年

送別崔寅亮下第

天地唯一氣用之自偏頗憂人一作心成苦吟達士為高

歌君子識不淺桂枝憂更多歲晏期攀折時歸且婆娑

素質

一作質貌

如削

一作荆

玉清詞若傾

一作天

河虬龍

一作潛虬

未

化時魚鱉同一波去矣當自適故鄉

一作山

饒辟蘿

大梁送柳淳先入關

青山輶

一作轉

為塵白日無閒人自古推高車爭利西入

秦王門與侯門待富不待貧空攜

一作唯賈

一束書去

一作獨

去誰相

一作將誰親

送無懷道士遊富春山水

一作逸士歸山別吳

造化絕

一作最一作見

高處富春獨多觀山濃翠滴灑

一作的礫

水

折珠摧殘溪鏡不隱髮樹衣長遇一作寒風猿虛空飛

月狖叫嘯酸信一作此神僊路一作宜為時俗安煮金

陰陽火一作芙蓉一作囚怪星宿壇花發我一作未識玉生忽

藜攢蓬萊浮蕩漾非道相從難

送溫初下第

日落濁水中夜光誰能分高懷無近趣清抱多遠聞欲
識丈夫志心藏孤岳雲長安風塵別咫尺不見君

送盧虔端公守復州

師曠聽群木自然識孤桐正聲逢知音願出大朴中知
音不韻俗獨立占一作上古風忽挂觸邪冠逮逐南飛鴻
肅肅太守章明明華轂熊商山無平路楚水有驚濤日
月千里外光陰難載同新愁徒自積良會何由通

送任載齊古二秀才自洞庭遊宣城

并序

文章者賢人之心氣也心氣樂則文章正心氣非
則文章不正當正而不正者心氣之偽也賢與偽
見於文章一直之詞衰代多禍賢無曲詞文章之

曲直不由於心氣心氣之悲樂亦不由賢人由於
時故今宣州多君子閒暇而寬文章之曲直纖微
悉而備舉洞庭二客勉而客去之鼓其風波之詞
吾知夫樂莫是行也遂為詩曰

洞庭非人境道路行虛空二客月中下一帆天外風魚
龍波五色金碧樹千叢閃怪如可懼在一作至誠無不通

扣竒知一作驚浩淼采異訪一作動穹崇物表即一作積高韻

人間訪仙公宣城文雅地謝守聲聞融證玉易為力辨

珉誰

一作調

不同從茲阮籍淚且免泣途窮

送曉公歸庭山

一作歸
稽亭

庭山

一作稽亭

何崎嶇寺路綠翠微秋霽山盡出日落人獨

歸雲生高高步泉灑田田衣枯巢無還羽新木有爭飛
茲焉不可繼夢寐空清輝

送豆盧策歸別墅

短松鶴不巢高石雲不

一作始

棲君今滿湘去意

一作性

與

雲鶴齊力買奇險地手開清淺溪身披薜荔衣

一作蘿襟

山

陟莓苔梯一卷冰雪文避俗常自攜

送清遠上人歸楚山舊寺

一作國清上人游
蕪一作送溪上人

波中出吳境霞際登楚岑山寺一別來雲

一作風

蘿三改

陰詩誇碧雲句道證青蓮心應笑

一作憐

泛萍

一作萍泛

者不

知松隱深

山中送從叔簡

莫以手中瓊言邀世上名莫以山中迹久向人間行松
栢有霜操風泉無俗聲應憐枯朽質驚此別離情

送蕭鍊師入四明山

閒於獨鶴心大於高

一作喬

松年迴出萬物表高棲四明

巔千尋直裂峰百尺倒瀉泉絳雪為我飯白雲為我田

靜言不語

一作話

俗靈蹤時步天

御定全唐詩卷三百七十八